

四明叢書

張宗祥

漢書地理志稽疑卷四

清鄞縣全祖望紹衣撰

志云武帝攘卻胡粵開地斥境南置交趾北置朔方之州兼徐梁幽并夏周之制改雍曰涼改梁曰益凡十三部置刺史其百官表曰元封五年置刺史員十三人是明以夏周二代之十一州增朔方交趾二刺史爲十三也司隸校尉所統不與焉蓋司隸不可言州校尉不可言刺史而三輔三河宏農爲近畿故不在十三州之內猶之秦分三十六郡而內史不與也

東京省朔方則十三州少其一故以司隸充之百官志曰建武中復置司隸并領一州以見前者之不得爲州也自顏師古注平當傳謬言朔方不在十三州之內則以司隸爲一部是蓋以東京之制爲武帝制而宋儒王厚齋因之區分其目載入通鑑地理通釋今爲之糾其謬而更定之

司隸校尉部

京兆 馮翊 扶風 宏農 河東 河內

河南

元封置十三部刺史其時未有司隸也則朔方焉得不爲十三部之一又二十有一年始以巫蠱置司隸猶未察七郡也已而罷巫蠱之任始令察七郡蓋前此以七郡爲近畿不置刺史已而屬之司隸重王吏以寵之及成帝時嘗省司隸之官哀帝復之益可知其非十三部之定員也百官表曰御史中丞總部刺史而司隸不與焉是其證矣

豫州刺史部

潁川 汝南 沛 梁

魯

二郡
三國

前漢魯屬徐州世祖始改屬豫州見續志則前志以魯屬豫州誤也而王氏未及正之顧宛溪亦仍其謬

冀州刺史部

魏 鉅鹿 常山 清河 趙 廣平

真定 中山 信都 河間

四郡六國

兗州刺史部

陳留 山陽 濟陰 泰山 東郡 城陽

淮陽 東平

五郡三國

淮陽續志屬豫州則前志以爲兗州者恐亦誤也

徐州刺史部

琅邪 東海 臨淮 廣陵 泗水 楚

三郡

青州刺史部

平原 千乘 濟南 北海 東萊 齊

菑川 膠東 高密

六郡三國

荊州刺史部

高陽 江夏 桂陽 武陵 零陵 南郡

長沙

六郡一國

揚州刺史部

廬江 九江 會稽 丹陽 豫章 六安

五郡一國

益州刺史部

漢中 廣漢 武都 犍爲 越巂 益州

牂柯

蜀郡

益州八郡何嘗有武都蓋涼州之郡也誤入武都失
去巴郡則百三郡圖止百二矣

涼州刺史部

隴西 金城 天水 武威 張掖 酒泉

敦煌

安定

北地

九郡

前志自武帝以下十郡皆不注屬某州蓋脫文也而
王氏由此而誤不知前漢之涼州祇武都隴西天水
安定北地五郡其餘皆朔方州之所統也二千年來
無知之者

并州刺史部

太原 上黨 西河 朔方 五原 雲中

定襄

雁門

八郡

前漢之并州祇七郡其朔方五原二郡合河西五郡
共七郡爲朔方州東京始以朔方二郡并入并州河

西五郡并入涼州今王氏皆以續志之分部爲舊制
誤也

幽州刺史部

勃海 上谷 漁陽 右北平 遼西 遼東

元菴 樂浪 涿 代 廣陽

十郡一國

交州刺史部

南海 鬱林 蒼梧 交趾 合浦 九真

日南

七郡

當云交趾刺史未得稱交州也說見前

師古所云朔方不在十三州之限其說絕無所本若以朔方未得爲州而不與則交趾亦未得爲州何以獨與乎但中興以建武十一年省朔方而揚雄在建武之前其作十二州箴已不數朔方則王莽時已并省其事見本紀及莽傳

沈約宋書州郡志曰前漢刺史未有所治劉昭注續志亦云傳車周流靡有定止則其但行部而無公府明矣然而師古引漢官舊儀曰刺史有常治以秋分行部則疑沈劉之說未必然也夫以秋分行部則未

及秋分以前豈皆屬京師乎是必有定止矣志于太守之治則首縣是也于都尉之治則亦書而獨刺史之治不書何歟曰前漢之刺史僅六百石官尙卑或以此故不書耳交廣春秋交趾刺史治羸隲元封五年移治蒼梧之廣信是前漢刺史之可攷者矣

漢置百三郡國序次志疑

志所載百三郡國序次似當以十三部分列之顧不然惟益部交部以地相從其餘先後不可曉并識之以俟知者

首司隸所統郡三 三輔 宏農 河東

次并部郡二 太原 上黨

次司隸郡二 河內 河南

次兗部郡二 東 陳留

次豫部郡二 潁川 汝南

次荆部郡三 南陽 南 江夏

次揚部郡二 廬江 九江

次兗部郡二 山陽 濟陰

次豫部郡一 沛

次冀部郡四 魏 鉅鹿 常山 清河

次幽部郡二 涿 勃海

次青部郡三 平原 千乘 濟南

次兗部郡一 泰山

次青部郡三 齊 北海 東萊

次徐部郡三 琅邪 東海 臨淮

次揚部郡三 會稽 丹陽 豫章

次荆部郡三 桂陽 武陵 零陵

次益部郡八 漢中 廣漢 蜀 犍爲

越巂 益州 牂柯 巴

次涼部郡二 武都 隴西

次朔部郡一 金城

次涼部郡一 天水

次朔部郡四 武威 張掖 酒泉 敦煌

次涼部郡二 安定 北地

次并部郡七 上 西河 朔方 五原 雲中

定襄 雁門 并州共七郡其朔方五原別爲部以統河西五郡不

屬并州也東京罷朔方始以河西五郡屬涼州而朔方五原屬并州

次幽部郡八 代 上谷 漁陽 右北平

遼西 遼東 元菟 樂浪

次交部郡七 南海 鬱林 蒼梧 交趾

合浦 九真 日南

次冀部國六 趙 廣平 眞定 中山

信都 河閒

次幽部國一 廣陽

次青部國三 菑川 膠東 高密

次兗部國二 城陽 淮陽

當屬豫州續志是也此或誤文

次豫部國一 梁

次兗部國一 東平

次豫部國一 魯
當屬兗州漢初以魯屬楚國屬徐州見續志此亦誤文

次徐部國三 楚 泗水 廣陵

次揚部國一 六安

次荆部國一 長沙

史記諸侯王表序曰漢初山以東盡諸侯地漢獨有三河東郡潁川南陽自江陵以西至蜀北自雲中至隴西與內史凡十五郡漢表同

案此言似尙有誤漢初天子自屬之地雖少然不上十五郡也三河而外尙有魏郡江陵以西尙有武陵而自雲中至隴西中歷北地上郡然則并內史爲十八郡也

內史 河南 河東 河內 魏 東郡

潁川 南陽 南郡 武陵 巴 蜀

漢中 廣漢 隴西 北地 上郡 雲中

高帝十一年曾罷東郡以益梁罷潁川郡以益淮陽然不久二國皆罷